



R. G. ADAMS

Questo libro composto di libretti  
trentanove ha un gran valore.

Il suo più gran pregio consiste nella  
lettera di Cristoforo Colombo in lingua  
Spagnola.



Thomas Randolph Adams


The John Carter Brown Library



GIFT OF

Thomas R. Adams








The John Carter Brown Library

CITY OF

Providence, R. I.











32  
IACOBI RVFINI  
CARMEN

*De obitu*

BARTHOLOMÆI ELIÆ PATAVINI,

Eiusdemq; vxoris luctu, in funere trium natarum.

AD PAVLVM RHAMNVSIVM

VENETVM.



VERONÆ,  
*Apud Hieronymum Discipulum,*  
M D LXXVI. 50



# ARGVMENTV M.



ARTOLOMEVS ELIAS Patauinus, satis honesto inter ciues suos loco natus, diu multumq; litigarat, ac tam sæpe causa ceciderat, vt inde maximam rei familiaris iacturam fecerit. & iam, neq; æs alienum, quod grande conflauerat, dissoluere: neq; tuto in ciuitate esse, aut saltem satis honeste pro dignitate familiæ suæ, in vita posthac permanfurum se existimaret. Itaq; foedissimū teterrimumq; consilium secutus, tris paruulas atque easdem innocentes filias, quod ad eas dotandas reliquum nullum iam superesset patrimonium quarto Idus Iunij M D LII. lecto cubantes interfecit: falsa nimirum specie misericordiæ in crudelitatem lapsus. Mater miserrima nouo horrendoq; spectaculo exanimata, primum collabitur, mox necatas filio-  
las deflet: sortem suam acerbissimam conqueritur: ac tanti facinoris immanitatem detestatur. Pater, se quo facto pium putarat, sceleratum iam intelligens, repentino furore actus patrijs è finibus se furtim proripuit: perq; inhospita loca nocturnis itineribus errans in vicum tandem GRIGNAEVM quem vocant (is iacet inter Alpium iuga prima) sese recepit; atq; ibi demum nefarij atrocissimiq; post hominum memoriam perpetrati flagitij conscientia victus, sibi ipse mortem consciuit.



IACOBI RVFINI CARMEN  
de obitu Bartholomæi Eliæ Patauini  
eiusdemq; vxoris luctu in funere  
trium natarum.

*Ad Paulum Rhamnusium Venetum.*



*T* patris (infandum) crudeli cæde iacebant  
Infantes natæ, effusoq; cruore madentes  
Multum infelicis stabant ante ora parentis.  
Illa quidem subito tam diro exterrita monstro  
Concidit, exanimemq; calor, sensusq; relinquunt.

*Collapsam accipiunt comites pia turba, fouentque,  
Et fugientem animam sistunt, reuocantq; vigorem.*

*Vt vero effari potuit, miserandaq; secto*

*Terna (nefas) iugulo natarum corpora vidit,*

*Scissa comam, laniata genas, hos pectore ab imo*

*Effudit gemitus, has protulit ore querelas*

*Exclamans, & tecta implens vlulatibus altis.*

*Quid primum querar infelix? crudelia dicam*

*Sydera? crudeles terras? crudelia fata,*

*Hos quæ me miseram diros seruastis in vsus:*

*Tris ego spectarem natas vt funere eodem*

*(Prò dolor) extinctas? vno tria pignora adempta*

*Tempore? & heu triplici conspersos cæde penates,*

*Funestamq; domum cumulata morte viderem?*

*Siccine pro thalamis, pro speratis hymenæis*

*Inferias tumulumq; feram, condamque sepulchro*

*Infantes, primo raptas in limine vitæ,*

*Heu dulcis natas? heu quas mæstissima mater*

*Vos teneo? vt turpi sædatos sanguine cerno*

*Et teneros artus, vultusque? vt frontis & oris*

*Ille decor cecidit? subito vt cecidere senectæ*

*Spes requiesque meæ? nostra vt solatia cuncta*

*Interitus secum trahit, ò mea pignora, vester.*

*Ergo ego te posthac nusquam Lucretia cernam?*

*Nusquam Helene blandis nectes mea colla lacertis?*



Nec mihi Laura tuas posthac sperare licebit  
Blanditias? neue ipsa meos amplexa fouebo.  
Amplius heu miseros partus? suspiria tantum  
Et dolor, æternus dolor, & lamenta supersunt.  
Cur mihi non eadem ingrata manus impia vitam  
Eripuit? cur non rerum seuissime, eodem  
Me miseram obruncas ferro? mihi muneris instar  
Mors erat, elysias sequerer comitata per umbras  
Ipsa meam sobolem: & natas, quas effera ademit  
Dextra, eadem inuentas saltem post funera ferret.  
Tuque noua feritate minus ferus, & minus ipsa  
Infelix essem. nunc heu tua facta superstes  
Dira, infanda queri, & sæuos perferre dolores  
Orba parens cogor lacrymarum pectora largo  
Flumine, & insanis implens tecta alta querelis.  
Heu qui te tantum in facinus furor improbus egit?  
Aut quibus infelix stimulis furialibus actus  
Impia in arma ruis? stricto quò perdit ferro  
Ire paras? tu ne immeritas, lectoq; iacentes  
Occidis natas genitor? tu luminis vsum  
Quem dederas, adimis? vitæque & funeris author  
Idem eris? an non vulnificum tua viscera sentis  
Intima idem telum penetrare, & scindere corda?  
Ah tibi dum misera nata puerilia iactant  
Brachia, teque vocant tremula dum voce parentem,  
Amplexusque parant, blandisque tumentur ocellis,  
Non furor, & subito ceciderunt arma, manusque  
Sæue tuæ? At te, nec rupes aut rupibus altis  
Errantes genuere feræ. Phlegetontis ad vndas  
Lernæo è monstro genuit te Cerberus ingens,  
Teque cruentatis dapibus, Stygiisque lacunis  
Nutritum, Eumenides egere in luminis auras.  
O vtinam tecum nunquam coniuncta fuisssem,  
Nunquam funesti tetigisssem sædera lecti.  
Aut quæ prima fuit, saltem postrema fuisset  
Nox mihi: tum poteram felix occumbere: nunc heu  
Heu nunc, quid tanto superest mihi vita dolore?  
Fortunata nimis quondam Sypileia mater,  
Cui flendo natorum inter tot funera, sensus



Obriguere omnes, & facta immobile saxum,  
Luctusque, & senos potuit superare dolores.  
Heu quid agam? vacua ne domo flens omne per ævum  
Conquerar? ab deuota domus, scelerataque tecta.  
Heu fugite infamis ædes: fugite ocius ædes  
Natarum misera pollutas cæde mearum.

Hæc effata, oculis ardens, similisque furenti  
Discursu rapitur vario, conuexa domorum  
Summa petens, sese demittere culmine ab alto  
Per conata fuit: toties vetuere secuta  
Matres, atque viri, & thalamo stratisque reponunt:  
Circumstant, dictisque ægram solantur amicis.  
Vndiq; crebrescunt luctus, vrbs tota repletur  
Questibus, expediunt dum lamentabile funus.

Interea diræ vlrices Acheronte relicto  
Tartareisque antris, horrentia colla colubris  
Innexæ, flammæsq; oculis atque ore vomentes  
Authorem sceleris tanti, cædisque nefandæ,  
Funereis agitant facibus: præcordia subter  
Iniiciuntque angues: stimulis versantque, premuntque.  
Verberibus nemora alta sonant, rupesq; propinquæ.  
Ille furens, pauidusq; hominum consortia linquit:  
Et latebras & lustra petit deserta ferarum,  
Exul, inops, Cererisque & Bacchi muneris expers.  
Noctes atque dies huc illuc peruigil errat.  
Nulla quies, nullaque datur consistere terra.  
Omnia terrificant, ostentant omnia mortem,  
Mortem orat, certusque mori, non inuenit vsquam  
Instrumenta necis: laqueo circumdare colla  
Interdum iuuat, interdum se mergere in amne,  
Præcipitemue iugo sese dare destinat alto.  
Insequitur furiale malum, intortisque flagellis  
Ingeminans fera terga quatit, miser æstuat intus  
Igne sacro: longe Euganeis turbatur ab agris  
Arua aliena petens, syluas, saltusque pererrat.

Est locus, Italiæ postrema in parte, sub aliis  
Alpibus, hunc celsis pro mænibus vndiq; cingunt  
Præruptæ cautes: Grignæus perluit amnis  
Vnde loco veteres nomen fecere coloni.

Hinc



Huc Erebi diuæ latitantem & cuncta timentem  
Vasani traxere virum, iam corpore toto  
Defessum, toto iam pectore consternatum.  
Predatorem alta velut in conualle secuti  
Obsedere lupum agricolæ, cum forte iuuenas  
(Armenti decus) exangues stratasque reliquit.  
Ille canum morsu latrantum, actusque virorum  
Ingenti clamore, fuga petit inuia: & ægre  
Cruratrachens, nullis audet se credere syluis.  
Iamque & cimerios, & iam nox humida pontum  
Liquerat, & cælum tenebris amplexa tenebat:  
Quum se Meduaci in faciem conuertit, & ora  
Tisiphone glauco circumuelatur amictu:  
Cornigerum caput ostentat, crinesque virentes,  
Muscososque humeros, cui multa aspergine barba  
Irrorat promissa genis, toruumque tuetur,  
Atq; his aggreditur pauitantem, & territat ore.  
O ego quas acies, quæ nam fulgentia cerno  
Agmina, scutatosque viros, missasque cohortes:  
Vt locus atq; adeo domus hæc circumque supraque  
Cingitur, utque tuæ superest via nulla saluti.  
Scilicet hæc deerat nostris infamia ripis  
Ob facinus, miser ut manibus post terga reuinctus,  
Utque catenatus, notas traherere per vrbes,  
Carnificique secanda dares tua noxia membra:  
Quæ trabe de sacra aspiceret pendentia vulgus.  
Criminis infandi, & nostri monumenta doloris.  
Quin morere, & labem, quæ nunc superimminet, ense  
Ablue, & infami tua subtrahere corpora morti.  
Tu potes innocuas ferro tris perdere natas,  
In te segnis eris? quid flas? num murmura sentis  
Effringique fores, vellique è cardine postes,  
Et te iam dudum sæua in tormenta reposci?  
Certa tibi hæc refero: percepi è fonte propinquo  
Omnia, vicinis ego sum qui fluctibus inter  
Saxa sonans, patriæque tuæ qui culta pererro  
Pinguia, Meduacus musis gratissimus annis.  
Surge age, viuientem si lux te inuenerit orta,  
O quæ supplicia, & quantas dabis improbe penas.

Tali-



Talibus inuisam iam dudum abrumpere vitam  
Ardentem cupidumque mori Cocytia virgo  
Impulit . ergo thorum linquens , durumque cubile  
Proripitur nocte obscura , tecta omnia circum  
Arma amens quærit : vestigia cæca reuoluens  
Huc illuc , & sæpe locum rimatur eundem .  
Iamque aderat vicina dies , dabat vndique signa  
Lucifer , admonitorque operum prænuntius ales .  
Tum mage concutitur formidine pectus anhelum ,  
Et trepidant fera corda magis , quo lenta moratu .  
Longius , & fuscis mors sese subtrahit alis .  
Non tulit Alesto vltorius messoris ahenas  
Tris , ait , ecce tibi falces sub poste relictas .  
Stringe age , scinde audax valida tibi guttura dextra ,  
Tela inimica fuge , & natarum vlciscere manes .  
Dixerat . ille manu falcem moriturus aduncam  
Corripit actutum , furijque accensus Erinnys ,  
Ter triplici conatus erat proscindere ferro ,  
Arentis fauces , propereq; effundere vitam ,  
Verum acies obtusa , tremens seu dextra reliquit  
Illum opere in medio : inguloque & gutture aperto  
Voluitur vnda ingens tepidi per membra cruoris :  
Et nox atra volat liuentia lumina circum .  
Hunc vbi seminecem diræ aspexere sorores ,  
Collapsosque artus , & non sanabile vulnus ,  
Protinus anguiferas magnis stridoribus alas  
Attollunt , superasque auras , cælumque relinquunt ,  
Tartaraque & nigras Orci petiere cauernas .

Tum Domus & late intremuit stridente volatu  
Omne solum , vallesque imæ , inga & ardua montis :  
Ac veluti concussa solet tremere vndique tellus  
Si quando inclusi angustas laxare latebras  
Vnà omnes certant , & circum claustra frementes  
Nituntur rapidi certatim erumpere venti .  
Dum trepidi fugiunt , tremefactaque tecta pererrant  
Indigenæ , explorantque locum inuenere iacentem  
Ab miserum , & lato patefactum guttur biatu :  
Oraque , turpatumque sinus , & pectora tabo :  
Iactantemque manus , atque irrita signa ferentem

Eripe-



*Eriperent luclantem animam , penitusque secarent  
Colla sibi , optata vt liceat iam morte potiri .*

*Hi primum turbati animis , & corda dolore  
Perculsi mæstique ruunt : varioque tumultu  
Scitantur quæ causa necis ( quis nam aduena ? & vnde ?  
Hortanturque virum fari , & solantia verba  
Adiiciunt medicasque manus , & vulnera siccant :  
Elisas fauces , & hiantia guttura lino  
Consolidant omnemque iubent procul esse timorem  
Quando quidem hic tutum hospitium tutique recessus .  
Ille his depulsa paulum formidine , & egros  
Attollens oculos , atque vndique circumspiciens  
Agnouit serpentiferas abuisse sorores .  
Ac se tum demum incusans , letumque perosus ,  
Et gemitus , imoque ciens suspiria corde  
Testor , ait , lucem hanc superam , atque vsum hunc mihi vitæ  
Exiguum , ferro me ipsum petuisse , manusque  
Iniecisse mihi ( alterius procul omnis abesto  
Suspitio ) diris furiarum impulsibus actum .  
Idem ego vos natæ ( prò mens ignara futuri )  
Natæ , ego vos potui crudeli perdere dextra .  
Tanta me tenuit pietas mea pignora vestri  
Consulerem ferro vobis vt rebus in arctis ?  
Vt pro dote necem , & tumultum pro coniuge ferrem ?  
Vt turpes ignominias , odiumque meorum  
Ab miser , exiliumq; mihi letumq; pararem ?  
Dum loquitur , subeunt duri impediuntque dolores  
Vocis iter , faucesque tument , caua tempora sudant ,  
Et iam caligant oculi , iam mæsta per auras  
Vita leues fugiens exanguia membra reliquit .*


*Hæc super & matris luctu , furisq; parentis ,  
Innumeras inter curas , strepitusque clientum  
Assiduos , longe Aonidum semotus ab antris ,  
Dulcibus allectus referebam doctæ camænis  
PAVLE tuis , PAVLE Adriacæ spes maxima gentis .*

*FINIS.*




卷之三
















~~H595~~

~~N4795~~

~~V.I~~

J595

N4795

V.I



